



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 136. Quid de præsumptione licentiæ sit observandum.

urn:nbn:de:hbz:466:1-42634

bium sit negativum, Bonac. dicit esse opus, ne te exponas periculo transgrediendi legem : *Illiſ. t. 1. d. 1. n. 47.* dicit non tam opus esse dispensatione, quam declaratione, quod lex tum non obliget : *Sav. dispensatio n. 1. Laym. l. 1. t. 4. c. 22. n. 4. Barbos. de off. Episc. alleg. 35. n. 18.* dicunt Episcopum posse declarare, quod non sit opus dispensatione, vel dispensare in cautelam : *Dian. p. 4. t. 3. R. 46. Caram. apud Dian. p. 8. t. 3. R. 95. Castrop. t. 3. d. 6. p. 5. n. 10.* absolutè dicunt non esse opus dispensatione, quia præsumptio est pro libertate, hinc ff. de Reg. Juris, Reg. 20. dicitur, *quorū dubia interpretati libertatis est, secundū libertatem respondendum erit* : quod tenet *Castrop.*, licet magis inclinare, quod indigeres dispensatione, quia non debes cenire te obstrictum lege, nisi de lege sis certus, secundū dicta n. 272.

Cur in lege naturæ non possit directè dispensari: item quomodo possit dispensari in quibusdam legibus divinis, at non in omnibus, videri potest *Illiſ. à n. 43.* Denique an superior aliquando teneatur dispensare in lege, dicitur l. 3. p. 1. à n. 538.

§ 19 Q. 136. *Quid de præsumptione licentiae sit observandum. R. seqq.*

§. I. Præsumptio licentiae est actus prudentiae, quo quis judicat legislatorem hic & nunc tacite consentire, ut agatur contra legem: quando autem ad valorem actus prærequiritur actualis consensus Superioris, saltem habitualiter perseverans, certum est non sufficere præsumptionem licentiae, v. g. ad absolvendum prærequiritur actualis approbatio, hinc licet sciam me approbandum, si peterem, non ideo possum ex præsumpta illa licentia absolvere, uti cum communī *Lugo de J. f. d. 3. n. 134.*

§ 20 §. II. In aliis rebus, quarum valor non pender

ab

ab actuali consensu Superioris, si sciam Superiorem solere dare licentiam, & daturum esse, si peterem, præsumi potest licentia; unde si tum Superior commodè adiri, & actus differri non possit, licetè utor eâ præsumptione licentiae, uti omnes concedunt: si autem adiri possit, & aliquis ex verecundia respectu humano aut simili causa negligat adire, *Nau. Suar. Sanch.* & alii cum *Castrop.* T. 16. c. 3. p. 23. & *Bardi* de consc. d. 6. c. 3. §. 9. dicunt peccari tantum venialiter, quia Superior quoad substantiam censetur contentus, licet quoad modum illum sit invitus, ideoque saepè puniat sic operantem; id tamen non tenet semper, nam saepè contingit, præsertim in Religiosis Ordinibus, ut Superioris, nequidem quoad substantiam contenti sint, si non petatur licentia, quando commodè peti potest, uti dicetur l. 4. n. 110.

§. III. *Bardi* aliqui cum *Castrop.* supra dicunt, non requiri certam cognitionem de eo, quod Superior consentiret, si rogaretur, sed sufficere probabilitatem: contradicunt *Molina*, *Ledesma* & alii, quia si sufficeret tantum probabilis, laxaretur disciplina, quisque enim ob propensionem ad suas commoditates & ad amorem libertatis facile sibi fingeret motiva, quæ erroneè putaret probabilita, & sic saepissime eluderentur leges ac præcepta Superiorum, turbaretur uniformitas in subditis ejusdem communiatatis,

§. IV. Si licentia tibi sit debita, etiam præsumi potest, inquit *Castrop.*, nisi scires negatam esse alias aut negandam, etiam si injuste, de quo tamen videri potest *Castrop.* n. 10. Item recte præsumitur actualis licentia, si sit consuetudo, vel Superior sciat aliquid fieri, & non improbet, cum sine incommodo improbare posset, nam in tali dissimulatione continetur quedam approbativa voluntas: si tamen Superior

perior ideo non improbet, quia difficulter impediret, quia timet, ne non audiretur, vel ne communitas aut domus turbetur tuis querelis, non poteris presumere consensum, uti recte *Navar. Mendoz. Rodriq. Suar. Sanch. Castrop.*, nam licet verum sit, qui tacet consentire videtur, Reg. 43. de Reg. Juris in 6., tam id non tenet, ubi est res nobis odiosa, nec adest obligatio loquendi, uti recte *Abbas in c. nonne, n. 1. & Volpil.* de actibus humanis c. 1. n. 3.

§ 23 Q. 137. Quid de interpretatione legis sit notandum. R. seqq.

§. I. Interpretatio legis est actus prudentiae, quo declaratur sensus legis non ita clarae: estque actus doctrinæ & non jurisdictionis, nisi de novo influat potestas legislativa: habetque locum in lege naturali & positiva, tam divina quam humana.

§ 24 §. II. In interpretatione legis præceptivæ vel penalnis debet servari proprietas verborum in sensu naturali secundum usum communem hominum: si autem nomen sit analogum, stat pro famosiori analogato, uti recte *Castrop. T. 3. d. 5. p. 3. §. 1.*, v. g. si lex talis loquatur de filio, intelligitur naturalis tantum & non adoptivus; si loquatur de morte, intelligitur naturalis & non civilis: quodsi legislator postea dicat se aliter intelligere, quam verba propriè sumptuosen, hoc dicit sicut privatus Doctor, & non ideo præcisè obligamus ejus interpretatione stare, nam hæc interpretatio, neque est declaratio mentis ab ipso habitæ, cum enim recurrat ad impropriam significationem, præsumi non potest illam habuisse, ergo mens ista non potest censi fuisse imbibita in lege, ergo nec potest ad illam extendi, quia lex non potest extendi, ad casum, qui à principio à lege non fuit comprehensus, nisi de hoc accederat nova lex: neque erit obligatio ex eo, quod hæc interpretatio videatur esse